

Ina rimnada pauc raschunai vla

La regenza grischuna vesa pauc niz en ina rimnada da tut il material sintetic

■ (anr/ac) **La regenza grischuna valitescha ina rimanda cumpletta da material sintetic en l'entir chantun Grischun per betg opportuna. Ella fa valair auts custs da rimnar e da transportar che stettian en in relativ pitschen niz per l'ambient. Consequentamain propona la regenza al cussegl grond da renviar l'incumbensa dal deputà Beat Deplazes, (ps, Cuira).** A chaschun da la sessiun dal december passà dal cussegl grond han il deputà *Beat Deplazes* (ps, Cuira) e divers cunsegnaders pretendi da la regenza dad introducir ina rimnada da tut il material sintetic sur l'entir intschess dal chantun per reutilisar il material enstagl da brischar el en ils implants da dismessa da rument. Deplazes ha fatg attent en sia incarica a la rait existenta da rimnar vaider, metal, rument verd e vestgadiria veglia per utilizar las materialias da

nov. Sche la rimnada da quel material funcziunia possia er il material sintetic vegnir rimnà per reutilisar. Or d'optica dal deputa è la reutilisaziun necessaria per reducir las emissiuns dal gas carbonic. Deplazes ha fatg attent a systems da rimnar introducids en ils chantuns Turgovia e Son Gagl e menziunà la pitschna quota da rimnar material sintetic da sulet indesch procent en l'entira Svizra.

Logistica chara

La regenza grischuna vesa la chausa in pau auter, sco ella scriva en sia resposta. Ella fa attent a las difficultads dad reutilisar maschaidas da material sintetic. Las stentas da zavrar il material ed elavurar èn grondas e la quota da reutilisar saja pitschna, scriva la regenza. La situaziun na saja betg da cumparegljar cun la rimnada da buttiglias da PET che succedia gia oz

a moda fitg separada e sa laschia reciclar tar products dad auta qualidad. Vinavant fa la regenza attent a la logistica da rimnar e transportar che chaschunia auts custs en il chantun Grischun cun sia structura decentrala. Vers las vischnancas saja il commerzi da detagl en avantatg e sappia cumbinar ils viadis da furniziun cun transportar enavos recipients vids a moda pli ecologica ed economica. Soluziuns communalas sajan per 50 procent pli charas che soluziuns da la bransch. La regenza grischuna vegn a la conclusiun che la tecnica actuala da reutilisar ed ils auts custs da rimnar na favuriseschian betg ina rimnada da material sintetic sur l'entir intschess dal chantun. La rimnada da buttiglias da PET percenter fetschia senn e duaja vegnir mantegnida, scriva la regenza en sia resposta per proponer al cussegl grond da betg acceptar l'incumbensa.



La pretensiun dal deputà Beat Deplazes (ps, Cuira) per ina rimnada da material sintetic en il chantun Grischun valitescha la regenza grischuna per betg raschunai vla. FOTO O. ITEM